

Stori Sion

Y Cefndir

Mae Sion Pari yn 6 oed, ac mae ganddo un brawd bach 1 oed. Mae'n byw gartref gyda'i Fam a'i frawd yn ystod yr wythnos, a gyda Dad ar y penwythnos
Mae'n mynychu Ysgol y Betws, ym Mlwyddyn 2 ac yn rhan o ddsbarth o 30 o blant 4, 5 a 6 oed.

Beth yw'r anhawster yn yr Ysgol?

- Yn ei chael yn anodd i wneud ffrindiau gan ei fod yn cael trafferth gyda rheolau cymdeithasol. Mae'n gwthio plant eraill yn rheolaidd ac yn taro allan.
- Yn ei chael yn anodd i dalu sylw ac i ddilyn cyfarwyddiadau. Mae'n gwrthod gwranddo ar gyfarwyddiadau oedolion.
- Dim oediad addysgol ar hyn o bryd (mae'n gallu gwneud yr un gwaith a phawb arall) ond mae hi'n anodd ei asesu yn iawn oherwydd ei broblemau ymddygiad. Mae ei iaith a chyfathrebu yn datblygu yn ôl y disgwyl.

Y sefyllfa gartref?

Mae e'n cael anawsterau tebyg adref gyda Mam. Nid yw dad yn sylwi fod cymaint o broblemau.

Y ffordd bresennol o weithio

Mae'r Ysgol wedi adnabod fod Sion angen cefnogaeth ychwanegol, yn fwy na'r hyn gall yr Ysgol ei gynnig - oherwydd ei ymddygiad. Yn y meithrin mae'r Ysgol wedi bod yn targedu gwahanol dulliau i geisio ei helpu. 'Roedd y problemau yn parhau yn y dosbarth derbyn, gwnaed cais i'r Seicolegydd Addysgol ddod i asesu ei broblemau. Cafodd ei gyfeirio at yr athrawes ymddygiad i ddod i gynnig dulliau penodol i weithio efo Sion. Sylweddolodd yr Ysgol fod ymddygiad Sion yn effeithio ar yr holl ddsbarth, a'i fod yn disgyn ar ôl gweddill y dosbarth efo'i waith a'i ddealltwriaeth.

Ym Mlwyddyn 1 ar ôl casglu digon o dystiolaeth gwnaed cais 3* am oriau cymhorthydd i ddelio gyda'r ymddygiad; ac mae Sion bellach yn derbyn 5 awr o gefnogaeth 'Anti Caren' bob wythnos (am y flwyddyn). Yn anffodus does dim sicrwydd fod yr hyn mae Anti Caren a'r hyn mae'r athrawes ymddygiad wedi'i awgrymu yn gyson. Gweler Cynllun Addysg Unigol Sion (Atodiad 2)

Y ffordd newydd o weithio

Gan fod Sion yn cael trafferthion i reoli'i ymddygiad mae'r Athrawes Dosbarth wedi llunio Proffil Un Tudalen (Atodiad 3) ar gyfer Siôn ar y cyd gyda'i rieni. Gwnaed cais am farn cychwynnol y Seicolegydd Addysgol. Yn dilyn trafodaeth rhwng yr ysgol a'r rhieni, cafodd y Proffil Un Tudalen ei addasu yn ogystal a newid y dulliau gweithredu (strategaethau).ⁱⁱⁱ

Ar ôl cyfnod o hanner tymor mae'r ysgol a'r rhieni yn teimlo fod yna peth newid yn ymddygiad Siôn. Mae Mam Siôn hefyd yn teimlo fod ei ymddygiad tuag at ei frawd bach yn broblemus. Mae'r ysgol yn trefnu cyfarfod i lunio Cynllun Datblygu Unigol mwy manwl ar ei gyfer. Mae'r Seicolegydd Addysgol, a hefyd y Nyrs Ysgol yn cael gwahoddiad gan fod anawsterau Siôn yn llawer mwy amlwg yn y cartref erbyn hyn.

Yn y Cyfarfod mae yna drafodaeth lawn ynglŷn a'r hyn sydd yn mynd i weithio orau i Sion; ac mae Cynllun Gweithredu yn cael ei lunio. Mae'r Cynllun yn nodi fod posib i Sion gael mynediad at y Tîm Ymddygiad felly mae angen trafod y cais yn y Fforwm Ardal.

Mae'r Fforwm yn trafod Cynllun Datblygu Unigol Siôn; ac yn penderfynu ei fod o fewn y criteria ar gyfer cael mewnbwn y Tîm ymddygiad. Penderfynwyd yn y fforwm y dylai'r Athrawes Arbenigol a'r Swyddog Ymddygiad ymweld â'r ysgol efo'i gilydd er mwyn llunio rhaglen ymddygiad manwl gyda'r rhieni a'r staff

Bydd y swyddog yn ymweld a'r ysgol er mwyn modelu dulliau arbennig o weithio yn ôl y rhaglen am gyfnod o hanner tymor. Bydd yn treulio llawer o amser yn yr ysgol ar ddechrau'r cyfnod ond bydd hyn yn lleihau yn raddol os yw'r dulliau i weld yn gweithio yn y dosbarth a'r ymddygiad yn sefydlogi. Bydd y Swyddog hefyd yn cydweithio gyda rheini a'r nyrs ysgol i gynnig dulliau arbennig o weithio i'w defnyddio yn y cartref. Bydd y CDU yn cael ei adolygu cyn i Siôn gael ei drafod yn y Fforwm Ardal nesaf ar ddiwedd yr hanner tymor.

Oblygiadau Cost:


Y Ffordd Bresennol o Weithio	cost
mewnbwn Seicolegydd Addysgol - gallai fod yn ymgynghoriad pob hanner tymor am ddau dymor	£540
mewnbwn athrawes arbenigol ymddygiad x 2 flynedd	£1,255.38
cymhorthydd @15 awr am 2 flynedd	£15,750
Cyfanswm	£17,545.38
Y Ffordd Newydd o Weithio	
mewnbwn Seicolegydd Addysgol (dau ymweliad)	£270
mewnbwn athrawes arbenigol ymddygiad am flwyddyn	£627.69
Swyddog yn ymweld a'r ysgol am gyfnod o hanner tymor	£1,641
Talkabout (grwpiau o fewn yr ysgol)	
Cyfanswm	£2,403.69

Atodiadau:

- 1 Siart Mynediad at gefnogaeth i Sion (cymharu'r hen ffordd efo'r ffordd newydd)
- 2 Cynllun Addysg Unigol Sion (y ffordd bresennol o gofnodi'r cynllun)
- 3 Proffil Un Tudalen Sion, a Chynllun Gweithredu Sion (rhan o'r CDU - y ffordd newydd)

ⁱⁱⁱ Mae'r Athrawes Dosbarth yn defnyddio Dulliau Webster-Stratton gyda'r Dosbarth Cyfan ond yn gwneud addasiadau unigol ar ei gyfer. Er enghraifft maent yn defnyddio siart wobrwyo Spiderman ar ei gyfer er mwyn gwobrwyo ef os yw'n eistedd yn y dasg ffocws am 5 munud ac os nad ydyw yn gwrthio plentyn arall am sesiwn. Os yw'n cael 5 sticer mewn dydd mae'n cael cyfnod o 10 munud ar ei hoff gêm ar yr iPad dosbarth ac mae'n mynd a thystysgrif Spiderman adref i ddangos i'w rieni. Pan fo tystysgrif yn cael ei yrru adref mae ei rieni wedi cytuno i'w wobrwyo hefyd.

Atodiad 1- Siart Mynediad at gefnogaeth i Sion (cymharu'r hen ffordd efo'r ffordd newydd)



Atodiad 2- CAU Sion (y ffordd bresennol)

Cynllun Addysg Unigol Dyddiad Geni: Cychwyn: Hyd 2015					
Enw: Sion Pryder: Ymddygiad, Emosiynol ac Ymddygiadol Cefnogir gan: Anti Karen				Cam: GY+ Dyddiad Adolygu: Mawrth 2016	
<u>Targedau:</u>	<u>Mesur Llwyddiant:</u>	<u>Adnoddau Posibl a Technegau:</u>	<u>Strategaethau Posibl yn y Dosbarth:</u>	<u>Syniadau ar gyfer yr Athro Cefnogi:</u>	<u>Canlyniad:</u>
1. I ganolbwyntio am fwy na 5 munud	1. Arsylwi ef yn gwneud hyn 10 gwaith	1. Cylchdroi gweithgareddau yn rheolaidd	1. Atgoffa i dalu sylw	1. Canmol pan yw'n canolbwyntio	
2. I weithio gyda rhyngweithio gyda plentyn arall am 3 munud	2. Arsylwi ef yn gwneud hyn ar 10 achlysur gwahanol	2. Gosod tasgau sydd angen gweithio ar y cyd, darllen par	2. Gwirio bod y ddau belntyn yn deall beth mae angen iddynt wneud, cynyddu'r amser yn raddol.	2. Siarad am sut i rhyngweithio yn dda, canmol	
3. I weithio gyda grŵp o blant eraill am 2 funud	3. Arsylwi ef yn gwneud hyn ar 10 achlysur gwahanol	3. Chwarae rôl, darllen grŵp, adnabod rôl a dysgu strategaethau cydweithio	3. Gwirio fod y plant yn deall beth sydd angen iddynt wneud, cynyddu'r amser yn raddol	3. Siarad am sut i rhyngweithio yn dda, canmol	
4. I amrywio sut mae'n cychwyn brawddegau	4. 5 gwahanol ffordd yn cael ei ddefnyddio	4. Esiamplau mewn testun	4. Pwyntio allan gwahanol ffyrdd o ddechrau brawddeg pan yn darllen ar y cyd.	4. Edrych ar storïau Sion gydag o a trafod ffyrdd gwahanol o ddechrau stori	
Rhieni i: Darllen gyda Sion adref					
Plentyn i: Ceisio gwrando mwy yn y dosbarth					



Cynllun Sion




Sion's Plan



Beth sydd yn bwysig i [Enw] ?

What's important to [Name] ?

- Eistedd wrth y ffenestr sydd yn gwynebu'r iard chwarae yn y dosbarth – mae hyn yn helpu imi wybod faint o'r gloch ydy hi a dwi'n canolbwyntio yn well yno.
- Dwi'n hoffi cael sgwrs gyda Miss Jones yn y bore, cyn amser chwarae.
- Gwyltio Tim y Betws yn chwarae pel droed ar fore dydd Sul gyda Dad.
- Cael prynu papur neu gylchgrawn pel droed ar ddydd Sadwrn er mwyn edrych arno gyda Dad. Dwi yn cefnogi Lerpwl.
- Cadw fy nhagannau Spiderman yn y bocsglas dros y penwythnos fel nad oes neb wedi chwarae gyda nhw pan nad ydw i yn Ty Mam.
- Cael cyfle i chwarae pel gyda Tomos yn yr ardd ar ol Ysgol.
- Cael amser stori neu chwarae gem gyda Mam ar ol i Tomos fynd i gysgu.



Proffil Sion 's Profile



Hoffi ac edmygu am [Enw]

Like and appreciate about [Name]

Pa mor daclus ydy Sion gyda ei bethau

Mae Sion bob amser yn barod ei gymwynas

Mae Sion yn garedig gyda Tomos, ei frawd bach.

Anghenion Ddiwyd Ychwanegol
Additional Learning Needs

Beth sydd yn bwysig er mwyn cefnogi [Enw] ?

How best to support [Name] ?

- Mae Miss Jones yn rhoi 'job' imi ei wneud yn y dosbarth – rydw i yn mwynhau hyn yn fawr iawn, yn enwedig gwneud yn siwr bod planhigion y dosbarth yn cael dwr bob dydd.
- Cael amser i edrych ar wefan peldroed ar yr iPad os ydw i wedi cael bore neu brynhawn heb gerdyn coch.
- Defnyddio system cardiau lliw gyda fi i helpu imi ddeall fy ymddygiad – gwyrdd ar gyfer ymddygiad da, melyn ar gyfer rhybydd, coch ar gyfer dangos bod angen stopio.
- Mae fy amserlen weledol rwan a nesaf yn helpu imi ddeall beth sydd yn dod nesaf.
- Dwi yn mwynhau amser grwp Talkabout gyda Anti Caren a dwi'n ymarfer beth rydym yn ei wneud yn y grwp - yn y dosbarth ac adref.
- Os nad ydw i wedi cael cerdyn coch, rydw i yn cael sticer Spiderman yn fy llyfr Cyswllt cartref i ddangos i Mam ac i Dad.
- Os nad ydw i'n cael cerdyn coch gan Mam rydw i'n cael sticer Spiderman yn fy llyfr i ddangos i Miss Jones ar ol amser cofrestru.
- Dwi yn hoffi cael fy nghanmol.

Cynllun Gweithredu Sion

Sion's Action Plan

*Deilliant i'r unigolyn: <i>Outcome for the individual:</i>	**Beth ydym angen ei wneud i gyrraedd y deilliant? <i>What do we need to do to reach the outcome?</i>	Pwy fydd yn gwneud hyn? (e.e. Ysgol, A.LI. rhieni, asiantaeth) <i>Who is responsible?</i> (e.g school, LA, Parents, Agencies)	Erbyn Pryd? <i>By When?</i>
Parhau i wneud cynnydd gyda sgiliau canolbwytio a lleihau ymddygiad heriol yn y dosbarth fel ei fod yn cael cerdyn gwyrdd ar 8/10 sesiwn mewn wythnos	Parhau gyda'r system gwybrwyo cardiau lliw peldroed a sticeri Spiderman Parhau gyda amserlen weledol, arbrofi gyda un wythnosol	Miss Jones Anti Caren Betsan Parry	07/03/2016
Targedu sgiliau chwarae ar yr iard fel bod Sion yn gallu ymuno gyda amrywiaeth o weithgareddau amser chwarae ac amser cinio	Cyflwyno Talkabout i'r goruchwylwyr amser chwarae fel bod y goruwchylwyr yn gallu atgoffa Sion o'r sgiliau a rhoi cymorth iddo ymuno gyda plant Blwyddyn 1 neu 2 yn fwy aml	Mrs Evans Betsan Parry	18/12/2015
Parhau i ddatblygu sgiliau rhyngweithio positif yn y dosbarth	Parhau i atgoffa o ymddygiad da Defnyddio dulliau Webster-Stratton I Sion rannu yr iPad gyda plentyn arall ar gyfer tasg yn hytrach na yn ystod yr amser gwobrywo	Miss Jones Anti Caren	07/03/2016
I Sion setlo yn well pan yw'n dod adref i Ty Mam ar nos Sul	Dad am ddod a Sion adref awr yn gynt ac am aros yn Ty Mam am baned ac helpu Sion i ddadbacio ei fag	Mam a Dad	18/12/2015
I Sion setlo yn well yn y Dosbarth ar fore Llun	Cynnal sesiwn Talkabout bore Llun am 9.15 yn syth ar ol cofrestru yn hytrach na 11am, gan fod Sion yn setlo yn dda yn y sesiwn yma.	Miss Jones Anti Caren	18/12/2015
I gynllunio i Sion gael profiadau o chwarae pel droed mewn Tim	Gwneud ymholiadau gyda Clwb Peldroed y pentref	Dad	18/12/2015

